

ԿՐԹԱԿԱՆ

ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐՈՒՄ ԵՐԿՐՈՐԴ ԿԻՍԱՄՅԱԿԸ ԱՆՅՆՈՒՄ Է ԱՆՎՏԱՆԳ ՄԻՋՎԱՅՐՈՒՄ



Վրաստանի կրթության եւ գիտության նախարարության տարածած հաղորդագրության համաձայն՝ հունվարի 17-ից հետո, երբ դպրոցներում վերսկսվեց 2021-22 ուսումնական տարվա գարնանային կիսամյակը, անցած շաբաթում կորոնավիրուս է հաստատվել ուսուցիչների 0,8 տոկոսի եւ աշակերտների 0,1 տոկոսի մոտ:

թյան նախարար Միխեիլ Զխենկելու որոշմամբ՝ նախարարությունը կրկին թույլ է տալիս աշակերտների ծնողներին ընտրություն կատարել ներկա եւ հեռավար ուսուցման միջին: Առցանց ուսուցման հայտը կարող եք լրացնել /չեղարկել online.emis.ge հղումով, ամեն հինգշաբթի ժամը 00:00-18:00-ն ընկած ժամանակահատվածում:

Հանրակրթական հաստատություններին տրամադրվում են համապատասխան ֆինանսական լուծույթներ, դիմակներ, ջերմաչափող սարքեր եւ ֆինանսական օգնություններ:

Վրաստանի կրթության եւ գիտության նախարարությունը, վիրուսի կանխարգելման նպատակով, շարունակում է համակարգված մոնիտորինգը՝ դպրոցներում՝ ուսուցիչների եւ աշակերտների համար անվտանգ միջավայր ապահովելու համար»,- ասված է հաղորդագրությունում:

Գերատեսչության տվյալներով, կովիդի հայտնաբերման դեպքում, ներքին տարածումը կանխելու նպատակով, դպրոցները դեռ գործում են առողջապահության ոլորտի ներկայացուցիչներից ստացված հանձնարարականի համաձայն, եւ առանձին դասարան կամ դպրոց անմիջապես անցնում է հեռավար ուսուցման:

Նախարարության տվյալներով՝ այս փուլում գործում է հեռակա ուսուցմամբ 21 դպրոց եւ 84 առանձին դասարան: Վրաստանում ռիսկային խմբի 80 ուսուցիչներ ցանկություն են հայտնել ուսուցումն անցկացնել հեռավար ձեւաչափով:

Ներկայումս պատվաստվել է ուսուցիչների եւ դպրոցի տնօրինության ներկայացուցիչների 73,5 տոկոսը:

«Վրաստանի կրթության եւ գիտու-

ՄՇԱԿՈՒՅԸ

«ՀԱՅԱՍՏԱՆԸ ՏԵՄԵԼ ԵՎ ԶԳԱՅԵԼ ԵՄ... ԴԵՌ ԶԾՆՎԱԾ»

Վրաց ժամանակակից բանաստեղծ, արձակագիր, գեղանկարիչ 59-ամյա Թամար Գաբրիշվիլին, կարծում ենք, ավելի քան մեկ ուրիշը, իրավասու է «իր երկիրը» համարելու նաեւ Հայաստանը, որովհետեւ այդ երկրի հետ նրա կապը սկսվել է... ծնվելուց առաջ, երբ դեռ մոր որովայնում էր. «Մայրս՝ Իվլիտան, Հայաստան էր եկել սպասվող երեխայի համար շորեր գնելու, եւ Հայաստանը առաջին անգամ տեսա մորս աչքերով...»:

Հետո նա Հայաստան եկավ 2010-ին, աղջկա՝ Զ.Փալիաշվիլու անվան Թբիլիսիի օպերայի եւ բալետի մեներգչուհի Բարբարեի հետ օլիմպիադայի մասնակցելու, հետո՝ 2019-ին՝ Երեւանում հայ գրչակիցների հետ համդիպում ունենալու... Ու ամեն զալուց մորից եւ մորից համոզվեց, որ «վրացիները եւ հայերը շատ ավելի միավորող բաներ ունեն, քան բաժանող», ու այդ բարի համոզմունքը չէր կարող չդառնալ նաեւ հոգեւոր բարի միացում:

Ահա եւ հայաստանյան ընթերցողի սեղանին են բանաստեղծուհու 2021թ. Երեւանում լույս տեսած «Արծազանք» եւ 2020թ. Թբիլիսիում հրատարակված «Քրիզայի քրիզոլիթներ» չափածո ու արձակ ժողովածուների հայերեն թարգմանությունները, ընդ որում «քրիզան» բարի մեջ աճած ծաղիկն է: Նշենք, որ «Արծազանք» ժողովածուն տպագրված է երկլեզու՝ հայերեն-վրացերեն: Թարգմանությունների հեղինակն է այդ արվեստի հմուտ ներկայացուցիչ, երեսանցի, լուսահոգի Մաղվալա Գեուրկովա-Սահակյանը (1942-2019թթ.):

Վրաց մշակույթի մեծաց՝ Ռուսթավելու, Ծերեթելու, ճավճավաձեի, Գամսախուրդիայի, Նոնեշվիլու, Դումբաձեի, Աբաշիձեի, Փոցիսիշվիլու եւ այլ մեծերի հոգեւոր աշխարհների հետ մեզ աղերսող թարգմանական օրինյալ արվեստը այսօր մեզ աղերսում է նաեւ վրաց ավանդական գրականության արժանավոր հետմորդ Թամար Գաբրիշվիլու հոգեսնույց ստեղծագործությամբ:

*«Ես հիմա ամբողջ հողագունդն եմ՝
ես մայր եմ, ես հող եմ, ես հենց սերն եմ»:*

Այս տողերը Թամար Գաբրիշվիլու պոեզիայի բանալին կարող են ընկալվել: Բանաստեղծուհու սիրո ընդգրկումը, ինչպես տեսնում ենք, Տիեզերական է եւ Տիեզերքի տիրոջ՝ Աստծո Սիրո նման անպարփակ է: Ահա ինչու է այդ սիրուց ծնված նրա հոգեշունչ ստեղծագործությունն այդքան ջերմացնող եւ այդքան հուսաբեր: Այն ապրեցնում է ընթերցողին՝ չարին միշտ պարտության մատնող ամենագոր բարու հաղթանակի գիտակցման ներշնչումով:

Երբ 1980-ականներին թբիլիսյան մամուլում երեւացին երիտասարդ Թամարի բանաստեղծական երախայրիքները, նրանք անմիջապես ստացան պոեզիայի սիրահարների ջերմ արձագանքը: Իսկ «Նոր տարվա երեկոն» (1993թ.), «Սիրո թալիսմանը» (1996թ.), «Նորից կրկ-

նիր, կյանք» (2004թ.), «Քրիզայի անթլիթները» (2012թ.) եւ այդ շարքում՝ հայերեն լույս տեսած «Քրիզա» (2016թ.Երեւան) ժողովածուները նրան բերեցին ճանաչում եւ բանաստեղծական սեղմ ոճ ունեցող հեղինակի համբավ: Նրա բանաստեղծությունները թարգմանված են հայերեն եւ անգլերեն:

Ներկայացնում ենք Թամար Գաբրիշվիլի բանաստեղծուհուն տրված գնահատականներից մի քանիսը:

Նինո Սպանդրաշվիլի (բանաստեղծ, թարգմանիչ, Հայաստանում «Իվերիա» վրացական համայնքի փոխնախագահ).

«Թամար Գաբրիշվիլիի «Արծազանք» երկլեզու գիրքը հեղինակի սիրո կանչն է, որը, համոզված ենք, ինչեւեւ եւ արծազանքելու է ինչպես վրացի, այնպես էլ հայ ընթերցողների սրտերում:

Գիրքը խորհրդանշորեն բացահայտում է քարի մեջ ծաղկած ծաղկի (քրիզայի) գաղտնիքը: Գրքում ընդգրկված թե՛ ասեղնագործ բանաստեղծությունները, տպավորիչ արձակը, թե՛ իմաստուն ասացվածքները իրական արժեքների յուրօրինակ ուղեցույց են»:

Վահագն Սարգսյան («Քրիզա» ժողովածուի խմբագիր, «Հայաստան» հրատարակչության տնօրեն).

««Քրիզա» անվանված բանաստեղծական ժողովածուի հեղինակը ընդգրկում էր արձագանքի ունի: Նրանում թեւածում է սերը, եւ քնարական հերոսը մեզ խորհուրդ է տալիս մշտապես մայել դեպի արեգակը եւ չհեռանալ լույսից ու ճշմարտությունից: Բանաստեղծուհու խոսքն ուղղված է հոգուն, նրա կեցավայրը հոգու տարածքն է, որտեղ գործում են այլ օրենքներ, եւ կենցաղային խավարն ու ֆալստը պարզապես տեղ չունեն նրանում:

Ի՞նչ առաքելություն ունի մարդն այս աշխարհում: Հարցադրումն ունի պոետական զուսպ, հակիրճ «հազար ու մի» պատասխան, որ առավելապես ասույթներ եւ թեւավոր մտքեր են դարձել նրա գրչի տակ, վերածվել վրացական յուրատեսակ թանկաների ու պատրաստ են մշտապես գեղարվեստական բարձր թռիչքների»:

Հարություն Հովնաթան (բանաստեղծ, թարգմանիչ, երեսանցի «Հայրենի ծայր» թերթի խմբագիր).

«Ինձ գերեց բանաստեղծուհու ներաշխարհը, նախ՝ հետաքրքիր էր նրա արտահայտամիջոցը. ոչ արձակ է եւ ոչ պոեզիա, ուղղակի երկուսը միասին են, միաձուլվել: Երբ բառը հոգի է կրում, այլեւս ձեւը քեզ չի հետաքրքրում: Հոգի եմ ասում, բայց դա իրականում սեր է: Աստծուց եկած եւ մարդու սրտում տեղ գտած սեր: Գաբրիշվիլու արտահայտչամիջոցները յուրովի են: Իր խոստովանությամբ, թեւեւ երկրի վրա է, հայացքը երկնային է: Խոսքը, որ մարդու մեջ մարմին առնում եւ ապրում է շնորհիվ ու կենդանությամբ, թե՛ զանգ է եւ թե՛ զանգի ղողանջ, այնպիսի ղողանջ, որ շարունակ հնչելու է»:

Մաղվալա Գեուրկովա-Սահակյան.

ՀԱՏԱԿԵՅՎԵՅԻՆ ՀԱՆՐԱՅԻՆ ԴՊՐՈՅՆԵՐԻ ԵՐԿՐՈՐԴ ԿԻՍԱՄՅԱԿԻ ԱՐՁԱԿՈՒՐԴԻ ՕՐԵՐԸ

Ինչպես արդեն հաղորդել ենք, հունվարի 17-ին Վրաստանի հանրակրթական դպրոցներում մեկնարկեց 2021-2022 ուսումնական տարվա երկրորդ կիսամյակը:

Մինչ ուսումնական գործընթացի ավարտը՝ մի քանի պաշտոնական արձակուրդներ կան, որոնց ընթացքում աշակերտները կհանգստանան:

Մասնավորապես, մարտի 3 - Մայրության օրը Վրաստանում, մարտի 8 - Կանանց միջազգային օրը, ապրիլի 9 - Վրաստանի պետական անկախության վերականգնման ակտի ընդունման օրը, Վրաստանի ազգային միասնության, քաղաքացիական համաձայնության եւ հայրենիքի համար հանգուցյալների հիշատակի

օրը, մայիսի 9 - Ֆաշիզմի դեմ հաղթանակի օրը, մայիսի 12 - Սուրբ Անդրեաս Առաքիչի հիշատակության օրը, Սուրբ Մարիամ Աստվածածնի նվիրատվության օրը, մայիսի 26 - Վրաստանի անկախության օրը:

Դպրոցներում գարնանային արձակուրդները կմեկնարկեն մարտի 8-ին եւ կավարտվեն մարտի 14-ին:

Սուրբ Ջատիկը այս տարի կնշվի ապրիլի 24-ին, ուստի աշակերտները կհանգստանան ապրիլի 22-ից ապրիլի 25-ը:

ԷԼԵԿՏՐՈՆԱՅԻՆ ԴԱՍԱԳՐՔԵՐ՝ ԱՇԿԵՐՏՆԵՐԻՆ

Վրաստանի կրթության եւ գիտության նախարարությունը, բացի տպագիր դասագրքերից, աշակերտներին կառաջարկի նաեւ էլեկտրոնային դասագրքեր:

Կրթության նախարարության նախադպրոցական եւ հանրակրթության զարգացման վարչության պետի տեղակալ Մարիամ Զիկոբավայի խոսքով, էլեկտրոնային դասագրքերի վրա աշխատանքն արդեն սկսվել է, այն կընդգրկի բոլոր առարկաները:

«Մենք աշակերտներին կտրամադրենք հարստաց-

ված ռեսուրս: Ինչպես ասացի, սա նախատեսված է բոլոր առարկաների համար, բայց ոչ բոլոր դասագրքերը կարող են սկզբից մինչեւ վերջ թվայնացվել»:

Նշենք, էլեկտրոնային դասագրքերի մասին խորհրդարանում, «Նախարարի ժամ» ձեւաչափի ընթացքում, իր ելույթում հայտարարել էր Վրաստանի Կր-

թության եւ գիտության նախարար Միխեիլ Զխենկելին: Նա նշել էր, որ նախարարությունը, ելնելով արտասահմանյան լավագույն փորձից, ակտիվորեն աշխատում է լրացուցիչ կրթական ռեսուրսների մշակման ուղղությամբ: Վերջին երկու ամսում մշակվել են դասագրքերի գնահատման մոդուլներ չափորոշիչներ, եւ աշխատանքներ են սկսվել էլեկտրոնային դասագրքեր ստեղծելու ուղղությամբ:



Թամար Գաբրիշվիլի

«Օրինյալ է Թամար Գաբրիշվիլու մուտքը հայ ընթերցասերի հասարակություն: Հայ ընթերցողները 2016թ. ստացան մի գեղեցիկ նվեր. լույս տեսավ իմ թարգմանությամբ նրա «Քրիզա» բանաստեղծական ժողովածուն:

Գիրքը զարդարված է հեղինակային գծանկարներով:

Նա իր սեփական աշխարհընկալումն ունի ամեն ինչի նկատմամբ, որոնք մաքուր եւ անբիծ են:

Բազմաթիվ հատկանիշներից զատ նրա բանաստեղծությանը հատուկ է անկեղծությունը: Ես շնորհակալ եմ բանաստեղծուհուն իր անկեղծության եւ նրա համար, որ որոշ բանաստեղծների նման չի փորձում կեղծ, վերամբարձ, ճարտարախոս խոսքերով գրավել մեզ»:

Ընթերցողի ուշադրությանը ենք ներկայացնում հատված Թամար Գաբրիշվիլու «Հարենիքը ես եմ» բանաստեղծությունից.

ՀԱՅՐԵՆԻՔԸ ԵՍ ԵՄ

... Ես սիրում եմ իմ հայրենիքը:

Նշանակում է՝ սիրում եմ այն ամենը, ինչը բնությունը տեղավորել է իմ մեջ, որն էլ հայրենիք դարձավ ինձ համար: Ես ոչ ոք եւ ոչինչ չեմ...

Իմ հայրենիքն էլ գոյություն չունի:

Բայց քանի որ ես մարդ եմ այս աշխարհում, իմ առաքելությամբ, բոլոր տեսակի մտահոգություններով, ուրեմն ես ունեմ իմ մեջ ապրող հայրենիքը, որն ամուր արմատներով կառչած է հողից եւ փայլատակում է մինչեւ երկինք:

Հեռվում էլ լինեմ,

Իմ հայրենիքը

Ինձ հետ կլինի.

Որովհետեւ

Գիտեմ,

Որ հայրենիքը՝

Ես եմ...

COVID - 19



ԿՄՇԱԿՎԵՆ «ԿԱՆԱԶ ԱՆՁՆԱԳՐԵՐ» ՏՐԱՄԱԴՐԵԼՈՒ ՆՈՐ ՈՒՂԻՆԵՐ

Վրաստանի առողջապահության նախարար Ջուրաբ Ազարաշվիլու հայտարարությամբ՝ Վրաստանում աշխատում են մի մեխանիզմի վրա, որը քաղաքացիներին թույլ կտա կորոնավիրուսից բուժվելուց հետո «Կանաչ անձնագիր» ունենալ, նույնիսկ, եթե, վարակը թեստով հաստատված չի եղել:

Նել հակամարմինների ստուգումը, որը կփաստի կորոնավիրուսից բուժվել է, թե՛ ոչ:

Վրաստանում գործող կանոնակարգի համաձայն, որպեսզի քաղաքացին ունենա կորոնավիրուսից բուժվածի կարգավիճակ, անհրաժեշտ է, որ վարակը պաշտոնապես՝ լաբորատոր, հաստատված լինի:

Նշենք նաեւ, որ, Վրաստանում գործող կանոնների համա-

ձայն, անձը, ով գոնե մեկ անգամ վարակվել է կորոնավիրուսով, ունի լաբորատոր հետազոտության արդյունքում ստացած դրական պատասխան, ունի մշտական «Կանաչ անձնագիր» եւ կարող է մուտք գործել ցանկացած հաստատություն: Քաղաքացին այս կարգավիճակը պահպանելու համար՝ թեստավորում կամ պատվաստում կատարելու պարտավորություն չունի:

ԿՈՐՈՆԱՎԻՐՈՒՍ. ԱՇԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ԳԵՐԱԶԱՆՅԵՑ 367 ՄԻԼԻՈՆԸ

COVID-19-ի հաստատված դեպքերի թիվն աշխարհում հասել է 367 005 794-ի: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 5 657 166-ը: Ապաքինվել է 290 374 715 մարդ:



Վարակվածների թվով աշխարհում առաջին տեղում ԱՄՆ-ն է, որտեղ կա հաստատված 74 695 333 դեպք: Այստեղ մահացածների թիվը 902 140 է, երկրորդ տեղում Դոմինիկյանը, որտեղ հաստատված դեպքերի թիվը հասել է 40 622 709-ի, մահացածներինը՝ 492 356-ի:

Վարակվածների թվով հաջորդ տեղում Բրազիլիան է: Այստեղ վարակվել է 24 782 922, մահացել՝ 625 169 մարդ: Ֆրանսիայում կորոնավիրուսով վարակվել է 18 122 724, վարակի հետեւանքով մահացել՝ 130 015 մարդ: Ֆրանսիային հաջորդում են Մեծ Բրիտանիան, Ռուսաստանը, Թուրքիան, Իտալիան, Իսպանիան ու Գերմանիան:

Հայաստանում, ընդհանուր առմամբ, վարակվածների թիվը հասնում է 358 218-ի, մահացածներինը՝ 8 035-ի, ապաքինվածներինը՝ 333 982-ի:

Ադրբեջանում վարակվածների թիվը 643 509 է: Վարակից մահացել է 8 664, ապաքինվել՝ 620 182 մարդ:

Վրաստանում, վերջին տվյալներով, վարակվել է 1 127 234, մահացել՝ 14 870, ապաքինվել՝ 986 928 մարդ:

Հունվարի 28-ին կորոնավիրուսով վարակման 17 066 նոր դեպքերից 9 256-ը Թբիլիսիում է, Աջարիայում՝ 1 523, Իմերեթիում՝ 2 219, Քվեմո Քարթլիում՝ 780, Շիդա Քարթլիում՝ 775, Գուրիայում՝ 240, Սամեգրելո-Ջեմո Սվանեթիում՝ 865, Կախեթիում՝ 683, Սքիս-թա-Սքիանեթիում՝ 289, Ռաճա-Լեչխումիում էւ Քվեմո Սվանեթիում՝ 48, Սամցխե-Ջավախեթիում՝ 388:

Հունվարի 28-ի տվյալներով մահացել է 30 մարդ:

ԿԱՌԱՎԱՐՈՒԹՅԱՆ ՉՈՐՍ ԱՆՂԱՄՆԵՐ ՀԻՎԱՆԴԱՅԵԼ ԵՆ ԿՈՐՈՆԱՎԻՐՈՒՄՈՎ

Կորոնավիրուս է հաստատվել Վրաստանի կառավարության չորս անդամների մոտ:

Հունվարի 24-ին, Վրաստանի կառավարության միստին, առողջական վիճակի պատճառով ներկա չեն եղել կրթության եւ գիտության նախարար Միխեիլ Չխենկելին, տարածաշրջանային զարգացման եւ ենթակառուցվածքի նախարար Իրակլի Կարսելաձեն, գյուղատնտեսության եւ ենթակառուցվածքի նախարար Լեւան Դավիթաշվիլին եւ պաշտպանության նախարար Ջուրանշեր Բուրժուլաձեն: Վրաստանը վերապրում է կորոնավիրուսի համավարակի վեցերորդ ալիքը՝ պայ-

մանավորված «Օմիկրոն» շտամով, որը երկրում հայտնաբերվել է 2021 թվականի դեկտեմբերի 20-ին:

Ախտահարումների նոր դեպքերի աճը հունվարին ռեկորդներ է սահմանում: Նման վերջին դեպքը գրանցվել է հունվարի 22-ին՝ 11 հազար 39 հիվանդ:

Դրա հետ մեկտեղ, բավական դանդաղ են պատվաստման տեմպերը: Տասն ամսվա ընթացքում, Վրաստանում պատվաստանյութերը հայտնվելուց հետո, ներարկում է ստացել չափափաս բնակչության միայն 42 տոկոսը:

ԶԳՈՒՇԱՅՈՒՄ. ԱՐԱԳ ԹԵՍՏԸ ՖԻՆԱՆՍԱՎՈՐՎՈՒՄ Է ՊԵՏՈՒԹՅԱՆ ԿՈՐՄԻՏԵ

ԴՐԱ ՀԱՄԱՐ ՔԱՂԱՔԱՅՈՒՑ ԳՈՒՄԱՐ ՊԱՅԱՆՋԵԼԸ ԻՐԱՎԱՆԱԽՏՈՒՄ Է

Վրաստանի առողջապահության նախարարությունը պարզաբանել է սոցիալական ցանցերում տարածված տեղեկատվությունը, թե որոշ բուժհաստատություններում քաղաքացիներից պահանջում են վճարել արագ թեստի համար:

Գերատեսչության տվյալներով, բնակչության հակազենիկ արագ թեստավորումը ֆինանսավորվում է պետական ծրագրերի շրջանակներում, իսկ ծրագրում ներգրավված հաստատությունները պետք է անձի անվճար թեստավորում իրականացնեն:

«Բնակչության արագ հակազենային հետազոտությունը ենթակա է ֆինանսավորման՝ պետական ծրագրերով սահմանված կանոններով: Ծրագրում ներգրավված հաստատությունները պետք է անձին տրամադրեն հակազենիկ արագ

թեստ՝ առանց նրանից վճար պահանջելու: Եթե արդեն վճարել եք ծառայության համար, խնդրում ենք մանրամասներն ուղարկել Բժշկական եւ դեղագործական գործունեությունը կարգավորող գործակալության էլեկտրոնային հասցեին՝ regagency@moh.gov.ge: Խնդրում ենք, հայտնի կցել նաեւ վճարման անդորրագիր: Գործակալությունը գործին կարծազանքի գործող օրենսդրությանը համապատասխան», - նշել է նախարարությունը:



րեն 20 տոկոս էր: Այդուհանդերձ, հասարակությունը թուլանալու իրավունք չունի, նշել է փոխնախարարը՝ կրկին անգամ կարեւորելով պատվաստման եւ դիմակ կրելու անհրաժեշտությունը:

ԿԱՐԵՆ ԳՐԻԳՈՐՅԱՆ. «ՀԱՄԱՐԱՐԱԿԱՅԻՆ ԻՐԱՎԻՃԱԿԸ ՎԱՏԹԱՐԱՆՈՒՄ Է, ՀԱՆՁՆԱՐԱՐԱԿԱՆՆԵՐԻ ՊԱՋՊԱՆՈՒՄԸ ԴԱՌՆՈՒՄ Է ԱՆՀՐԱՎԺԵՇՏՈՒԹՅՈՒՆ»



Կորոնավիրուսի նոր տարատեսակի՝ «Օմիկրոնի» տարածումը, առանձնապես վերջին շաբաթների վարակվածների տագնապալի վիճակագրությունը, է՛լ ավելի է բարդացնում համաճարակային իրավիճակը: Մասնագետների գնահատմամբ՝ առաջիկա երեք ամիսներն առանձնակի ծանր կլինեն:

Ստեղծված իրավիճակի ճակատագիրը կապակցությամբ՝

մենք դիմեցինք Թբիլիսիի պետական բժշկական համալսարանի՝ Ռատիսկոն անվան առաջին համալսարանական կլինիկայի կոմիտեի ստացիոնարի բժշկական հիմնական գիտությունների դոկտոր ԿԱՐԵՆ ԳՐԻԳՈՐՅԱՆԻ:

- Բոլոր վարակաբանները միաձայն պնդում են, որ կորոնավիրուսի հետ կապված իրավիճակն առաջիկայում է՛լ ավելի կարող է բարդանալ: Ի՞նչ կասե՞ք այդ մասին:

- Ստեղծված իրավիճակը մեծապես հիշեցնում է մարաթոնյան վազքուղին,

որով անցնում ենք, սակայն վերջը չի երեւում: Կորոնավիրուսի գլոբալ տարածման այդ երեք տարիների ընթացքում, ողջ աշխարհում, այդ թվում նաեւ Վրաստանում, վարակի տարածումը երբեք նման ծավալների չի հասել, ինչպես «Օմիկրոնի» պայմաններում: Ներկա դրությամբ Վրաստանն ապրում է վարակի տարածման վեցերորդ ալիքը, որը է՛լ ավելի տագնապալից իրավիճակ է ստեղծում: Վարակաբանները բազմիցս գոչւաջրել են, որ «Օմիկրոնը» շատ ավելի արագ է տարածվում, այն ճաքի է ընկնում բարձր տրանսմիսիոնությամբ եւ ներկայումս կիրառվող է պատվաստանյութերի դեմ կայունությամբ: Այդ ամենով հանդերձ, բարեախտաբար, «Օմիկրոնը» իր վատթարագույն հատկություններով զիջում է «դել-

տա» տարբերակին, որի ժամանակ մահացության թիվը բավական բարձր էր:

- Ստեղծված իրավիճակում ո՞ր հանձնարարականներն են դառնում առավել նշանակալի ու կենսական:

- Միջգերատեսչական խորհրդի գրեթե բոլոր հանձնարարականները մնում են ուժի մեջ: Դա դիմակների պարտադիր կրելն է, սոցիալական հեռավորության պահպանումը, մարդաշատ հավաքներից խուսափումը, բնականաբար, նաեւ պատվաստումը: Ինչ վերաբերում է պատվաստմանը, ապա այդ գործընթացն էլ ավելի պետք է ակտիվացվի: Բարեախտաբար, Վրաստանն ունի առողջապահության համաշխարհային կազմակերպության կողմից հավաստագրված տարբեր տեսակի պատվաստանյութեր, որոնք կիրառվում են շատ երկրներում: Վերջերս Վրաստանը բանակցություններ է սկսել «Pfizer» ընկերության հետ՝ լրացուցիչ 2 միլիոն դեղաչափ ձեռք բերելու հարցով: Ընդ որում, այդ 2 միլիոնը նախատեսված է երեխաների պատվաստման համար: Հիշեցնենք, որ Վրաստանի

երեխաների պատվաստումը սկսվեց 2021 թվականի հոկտեմբերի 11-ից, պատվաստում են անցնելու 12-ից մինչեւ 15 տարեկան երեխաները:

- Մեզանում կորոնավիրուսի հաստատման դեպքում, խորհուրդ է տրվում ինքնամեկուսանալ: Հետաքրքիր է, հնարավոր է, արդյոք, կորոնավիրուսը բուժել տնային պայմաններում:

- Բնականաբար, կորոնավիրուսով վարակված մարդիկ կարող են ընդունել «Պաքսլովիդ» եւ «Մոնուպիրավիր» դեղորայքները: Ներկայումս փորձագետների կողմից քննարկվում է տնային պայմաններում «Ռենդեսիվիր» դեղորայքի ընդունման հարցը, թեպետ վերջնական որոշում չի ընդունվել: Ավելացնենք, որ վերոնշյալ երկու դեղորայքները, տնային պայմաններում, կարելի է ընդունել կորոնավիրուսով վարակման ախտանշիչ հաստատումից չորս օր անց: Ցավոք, վերոնշյալ դեղորայքը նոր են սկսել ներկրել Վրաստան, եւ դրա քանակությունը դեռեւս շատ հեռու է բավարար լինելուց:

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ՀԱՅԱՍՏԱՆԻ ՆԱԽԱԳԱՀ ԱՐՄԵՆ ՍԱՐԳՍՅԱՆԸ ՀՐԱԺԱՐԱԿԱՆ Է ՏՎԵԼ

ԵՐԿՐԻ ՆԱԽԱԳԱՀԻ ԼԻԱԶՈՐՈՒԹՅՈՒՆՆԵՐԸ ԿԿՏԱՐԻ ԱԶԳԱՅԻՆ ԺՈՂՈՎԻ ՆԱԽԱԳԱՀ ԱԼԵՆ ՍԻՍՈՆՅԱՆԸ



Արմեն Սարգսյան

Հունվարի 23-ին Հայաստանի նախագահ Արմեն Սարգսյանը հանդես եկավ հայտարարությամբ, որտեղ հայտարարեց իր պաշտոնաթողության մասին:

Իր կայքէջում Արմեն Սարգսյանը ներկայացրել է պաշտոնաթողության պատճառները: Նրա խոսքով, սույն որոշումն ինքն ընդունել է ոչ զգայական ել՝ ել՝ նելով որոշակի տրամաբանությունից:

«Մենք ունենք պարագրեսալ իրավիճակ, երբ նախագահը ստիպված է պետականության երաշխավոր լինել՝ փաստացի չունենալով որևէ իրական գործիք: Մենք խորհրդարանական հանրապետություն ենք ձեռն, բայց ոչ բովանդակությամբ: Իմ առաջարկության իմաստը եւ նպատակը եղել է ոչ թե կառավարման մի ձեւից մյուսին (խորհրդարանականից կիսանախագահականի կամ նախագահականի) անցնելը, այլ՝ զսպումների եւ հակակշիռների վրա հիմնված պետական համակարգ ստեղծելը:

Մեր պետության համար այս բարդ փուլում, երբ անհրաժեշտ է համագգային միասնություն, նախագահական ինստիտուտը չպետք է դառնա բանբասանքների ու դավադրության տեսությունների թիրախ՝ դրանով իսկ շեղելով հասարակության ուշադրությունը կարելուազույն խնդիրներից: Այսօր, ինչպես երբեք, անհրաժեշտ են իմաստակից, խորը մտածված, կշռադատված եւ բովանդակակից գործողություններ: Այլապես մենք՝ ողջ աշխարհի հայությունը, չենք հասնի մեր առաքելության նպատակին եւ կհայտնվենք պատմության

լուսանցքում:

Մենք այլեւս սխալվելու իրավունք չունենք», - իր կայքէջում գրանցել է Արմեն Սարգսյանը:

Հայաստանի Սահմանադրության 5-րդ գլուխը նախատեսում է, Հայաստանի նախագահի հրաժարականի դեպքում, Հայաստանի նախագահի լիազորությունների ժամանակավոր կատարման եւ նոր նախագահի արտահերթ ընտրության կարգը: Մասնավորապես, ըստ Հայաստանի սահմանադրության 2015 թ. խմբագրության 126-րդ հոդվածի՝ երկրի նախագահի պաշտոնանկության, լիազորությունների կատարման անհնարինության, հրաժարականի կամ մահվան դեպքերում, Հանրապետության նախագահի պաշտոնը թափուր մնալուց ոչ շուտ, քան 25 եւ ոչ ուշ, քան 35 օր հետո, անցկացվում է Հանրապետության նախագահի արտահերթ ընտրություն:

Սահմանադրության 144-րդ հոդվածի համաձայն՝ մինչեւ նորընտիր նախագահի կողմից պաշտոնի ստանձնումը, Հանրապետության նախագահի լիազորությունները կատարում է Ազգային ժողովի նախագահը: Այսպիսով, ըստ Սահմանադրության, Հանրապետության նախագահի լիազորությունները կկատարի ՀՀ Ազգային ժողովի նախագահ Ալեն Սիմոնյանը: ՀՀ Աժ նախագահի պաշտոնում Ալեն Սիմոնյանին կփոխարինի Աժ փոխստանակ Հակոբ Արշակյանը:



Ալեն Սիմոնյան

ՀԱՅԱՍՏԱՆԻ ԶԻՆՎԱԾ ՈՒԺԵՐԸ ՆՇԵՅԻՆ ԿԱԶՄԱՎՈՐՄԱՆ 30-ԱՄՅԱԿԸ

Հայաստանը եւ աշխարհասփյուռ հայությունը հունվարի 28-ին նշեցին Հայաստանի զինված ուժերի կազմավորման 30-րդ տարեդարձը:

1992թ. հունվարի 28-ին կառավարությունը ընդունեց «Հայաստանի Հանրապետության Պաշտպանության նախարարության մասին» պատմական որոշում՝ դրանով իսկ իրավականորեն ազդարարելով Հայոց Ազգային բանակի ստեղծումը: 1992թ. մայիսին պաշտպանության նախարարությունը սկսեց առաջին զորակոչը հանրապետության տարածքում՝ հիմք դնելով բանակը ժամկետային զինմառայողներով համալրելու կայուն ավանդույթին:

Հայոց բանակի կազմավորման 30-

ամյակի առիթով բարձրաստիճան պաշտոնյաները եռաբլուր զինվորական պանթեոնում հարգանքի տուրք են մատուցել՝ հայրենիքի համար կյանքը զոհած հերոսների հիշատակին:

Զինվորական պանթեոնում էին փոխվարչապետեր Միքե Գրիգորյանը եւ Համբարձում Մաթեոսյանը, Հայաստանի պաշտպանության նախարար Սուրեն Պապիկյանը, Անվտանգության խորհրդի քարտուղար Արմեն Գրիգորյանը, արտաքին գործերի նախարար Արարատ Միրզոյանը եւ այլ նախարարներ: Պաշտոնյանե-

րը ծաղկեպսակ դրեցին զոհված ազատամարտիկների հիշատակը հավերժացնող հուշահամալիրին, ծաղիկներ խոնարհեցին հայրենիքի համար կյանքը զոհաբերած հերոսների շիրիմներին:

Եռաբլուրում հերոսների հիշատակին հարգանքի տուրք մատուցեց, ծաղիկներ խոնարհեց նաեւ Ամենայն Հայոց կաթողիկոս Գարեգին Երկրորդը:

Հայրենիքի համար կյանքը զոհաբերած հերոսների հիշատակը հարգեցին նաեւ Աժ նախագահ Ալեն Սիմոնյանը, փոխնախագահներ Հակոբ Արշակյանն ու Ռուբեն Ռուբինյանը, «Քաղաքացիական պայմանագիր» խմբակցության պատգամավորները:

ՀԱՅԱՍՏԱՆԸ ՈՒԶՈՒՄ Է՝ ԱՌԱՆՑ ՆԱԽԱՊԱՅՄԱՆՆԵՐԻ ՀԱՐԱԲԵՐՈՒԹՅՈՒՆՆԵՐ ՀԱՍՏԱՏԵԼ ԹՈՒՐՔԻԱՅԻ ՀԵՏ

Հայաստանն ուզում է՝ առանց նախապայմանների դիվանագիտական հարաբերություններ հաստատել Թուրքիայի հետ: Այս մասին, ՋԼՄ-ների եւ հասարակական կազմակերպությունների ներկայացուցիչների համար կազմակերպված առցանց ասուլիսի շրջանակում, ասաց Հայաստանի վարչապետ Նիկոլ Փաշինյանը:

- Ուզո՞ւմ ենք Հայաստան-Թուրքիա սահմանի բացում այո, եւ մենք այդ դիրքորոշման մեջ անկեղծ ենք: Այն ժամանակ (խմբ.-2009 թվականին) չստացվեց, հիմա պետք է փորձենք հաշվի առնել նախորդ փորձը,- ասաց նա:

Անդրադառնալով 2009 թվականի գործընթացի տապալմանը՝ Փաշինյանը նկատեց, որ կան պարամետրեր, որոնք այն ժամանակ այլ էին:

- Այն ժամանակ Թուրքիայի կողմից բանակցությունները վարում էր նախագահը, իսկ Հայաստանի կողմից՝ Հա-

յաստանի նախագահը: Բայց այն ժամանակ Թուրքիան խորհրդարանական կառավարման երկիր էր: Ճիշտ է, Թուրքիայի նախագահն իշխող քաղաքական թիմի ներկայացուցիչ էր, բայց, այնուամենայնիվ, նա չէր երկրի ղեկավարը, վարչապետն էր: Հիմա երկխոսությունը տեղի է ունենում Թուրքիայի նախագահի տված լիազորությամբ եւ մանրատու: Այսինքն, սա պարամետրերից մեկն է, որը կարող է որոշակի ազդեցություն ունենալ գործընթացի վրա, հույս ունենանք՝ դրական,- ընդգծեց նա:

ՀԱՅ-ՎՐԱՅԱԿԱՆ ՍԱՀՄԱՆԻ՝ «ԲԱՐԵԿԱՄՈՒԹՅՈՒՆ» ԿԱՄՐՋԻ ՇԻՆԱՇԽԱՏԱՆՔՆԵՐԸ ԿԱՎԱՐՏՎԵՆ ՎԱՐՆԱՆԸ

Հայ-վրացական սահմանի Սադախլո-Բագրատաշեն անցակետում՝ «Բարեկամություն» անունը կրող կամրջի կառուցման աշխատանքներն ակտիվ փուլում են: Սադախլո-Բագրատաշեն անցակետում՝ կառուցվող նոր կամրջի շինարարության ծրագրի ղեկավար Իզաբելլա Մուրադյանը նշում է, որ շինարարության մեկնարկը տրվել է 2021 թվականի մայիսին եւ մինչ այժմ զգալի աշխատանք է կատարվել: Ավարտված են հողային, հիմքերի փորման, հենապատերի, հենասյուների բետոնացման աշխատանքները:

- Նախագիծը եմբողջում է երկու կամուրջ: Յուրաքանչյուր կամուրջ ունենալու է երկու երթուղիների գոտի: Այն արված աշխատանքները, որոնք նշեցի, երկու կամուրջներին են վերաբերում: Կապիտալ աշխատանքների մեծ մասն արված է: Գարնան սկզբին կունենանք հիմնական բետոնացման, հեծանների մատով ավարտված աշխատանք: Կմնան զուտ եմբակառուցվածքի, ասֆալտապատման, ջրահե-

ռացման, լուսավորության, մայրերի աշխատանքները, որոնք նույնպես նախատեսվում են ժամկետում ավարտել,- նշել է ծրագրի ղեկավարը:

Երկու մասից բաղկացած նոր կամուրջը համապատասխանելու է միջազգային չափանիշներին, թողունակությունն ավելի մեծ է լինելու: ԽՍՀՄ տարիներին կառուցված կամուրջը նախատեսված չի եղել այդքան հոսքի ու ծանրաբեռնվածության

համար, այդ իսկ պատճառով ունի բազմակի ճաքեր: Նոր կամրջի թողունակությունը 4 անգամ ավելի մեծ է: Ինչ վերաբերում է հին կամրջին, ապա այն նույնպես նորոգվում ու ամրացվում է:

Կամուրջը լինելու է որպես այլընտրանքային ճանապարհ՝ գերծանրաբեռնվածության կամ որեւէ ռազմավարական նշանակության իրավիճակների պարագայում:

Ծրագրի ընդհանուր արժեքը 9 մլն

ՆԻԿՈԼ ՓԱՇԻՆՅԱՆԸ ՎԱՐԱԿՎԵԼ Է ԿՈՐՈՆԱՎԻՐՈՒՄՈՎ

Հունվարի 26-ին Հայաստանի վարչապետ Նիկոլ Փաշինյանը հանգնեց կորոնավիրուսի թեստ, որի պարասխանը եղել է դրական: Վարչապետը սահմանված կարգով ինքնամեկուսացել է հիվանդությունն ընթանում է անախտանիշ:

Նիկոլ Փաշինյանը գործունեությունը կիրականացնի հեռավար:

ԶՐԻՍԻՆԵ ԳՐԻԳՈՐՅԱՆԸ՝ ՄԱՐԳՈՒ ԻՐԱՎՈՒՆՔՆԵՐԻ ՊԱՇՏՊԱՆ

Հունվարի 24-ին Հայաստանի ազգային ժողովը Զրիսյինն Գրիգորյանին ընտրեց Մարդու իրավունքների պաշտպանի պաշտոնում:

Գործող ՄԻՊ Արման Թաթոյանի պաշտոնավարման ժամկետը լրանում է փետրվարի 23-ին, նրա լիազորությունների ավարտման հաջորդ օրը Գրիգորյանը կսկսի պաշտոնավարել՝ որպես Մարդու իրավունքների պաշտպան: Զրիսյինն Գրիգորյանի թեկնածությունն առաջադրել էր «Քաղաքացիական պայմանագիր» խմբակցությունը:

Զրիսյինն Գրիգորյանն ունի ավելի քան 12 տարվա մասնագիտական աշխատանքի փորձ՝ Աժ աշխատակազմում, Արդարադատության նախարարությունում, առաջին փոխվարչապետի աշխատակազմում: 2019-ի հուլիսին նշանակվել է ՀՀ արդարադատության փոխնախարար, իսկ 2021-ի ապրիլից՝ ՀՀ արդարադատության առաջին փոխնախարար:



ՎԱՍԻՍԻՐ ՎԱՐԳԱՆՅԱՆԸ՝ ԵՆԻՍՎ ՀԱՆՁՆԱԾՈՂՈՎԻ ՓՈԽՆԱԽԱԳԱՀ

Հայաստանի Ազգային ժողովի «Իմ քայլը» խմբակցության անդամ, խորհրդարանի պետական-իրավական հարցերի մշտական հանգնած ժողովի նախագահ Վասիսիր Վարդանյանը ընտրվել է Եվրոպայի խորհրդի խորհրդարանական վեհաժողովի Մարդու իրավունքների եվրոպական դատարանի դատավորների ընտրության հանգնած ժողովի փոխնախագահ:



ՍԵՎԱՆԱ ԼՃԻ ՄԱԿԱՐԳԱԿԸ ՆՎԱԶԵԼ Է

Սեւանա լճի մակարդակը, նախորդ տարվա հունվարի 17-ի դրությամբ, նվազել է 12 սանտիմետրով:

Ինչպես տեղեկացրին «Հայիդրոմետ» ծառայությունից, 2022 թվականի հունվարի 17-ի դրությամբ Սեւանա լիճը գտնվել է ծովի մակերեւույթից 1900 մետր 40 սանտիմետր բարձրության վրա՝ նախորդ տարվա 1900 մետր 52 սանտիմետր միջի դիմաց: Այս տարվա առաջին 17 օրվա ընթացքում Սեւանա լիճ է հոսել 4 միլիոն 681 հազար խորանարդ մետր ջուր:



Եվրո է: Մոտավոր 7.3 մլն եվրոն շինարարական բաղադրիչն է, 1.7 մլն-ը՝ տեխնիկական վերահսկողության: Ներդրումները Հայաստանի ու Վրաստանի կողմից են:

ԵԿԵՂԵՑԱԿԱՆ



ՀՈՒՆՎԱՐԻ 27-ԻՆ՝ ՆԻՆՈՐԲԱ ԷՐ

Հունվարի 27-ին, Վրաց Ուղղափառ եկեղեցին նշեց Վրաստանում քրիստոնեության քարոզիչ Նինոյի հիշատակի օրը:

Սուրբ Նինոն (մոտ 296-340) ծնունդով Բյուզանդիայի Կապարովկի-ա քաղաքից էր: Նա Սուրբ Կույսերից մեկն էր, ով IV դարի սկզբներին շուրջ 20 տարի քրիստոնեություն է քարոզել Հայաստանում, Վանա լճի հարակից Վարազա լեռան մոտակայքում եւ Վրաստան մուտք է գործել Փարվանա լճի կողմից եւ հասել Մցխեթա: Վրաստանի հինավուրց մայրաքաղաքում Սուրբ Նինոն «Սուրբ Հոգու գործողությամբ» կատարել է բժշկումներ: Ըստ ավանդության՝ կույսը բուժել է

վրաց Միրիան թագավորի որդուն, նաեւ՝ Նանա թագուհուն: Որոշ ժամանակ անց, Միրիանը, որսորդության գնալիս, հանկարծ շրջափակվել է թանձր մառախուղով: Որոշել է աղոթք հղել Նինոյի քարոզած Աստծուն, ինչից հետո խավարը ցրվել է: Վերադառնալով պալատ՝ թագավորը կարգադրել է՝ ընդունել Հիսուս Քրիստոսին՝ որպես Բարձրյալ Աստծու Որդու, իսկ Նինոյին՝ որպես Առաքելուհու:

Սուրբ Նինոն վախճանվել է մոտ 340 թվականին եւ հուղակավորվել Արեւելյան Վրաստանի՝ Կախեթի Սիդնաղիում գտնվող Բողբե մենաստանում:

ԱՐՏԵՖԱԿՏ

ԷԼԻԱ ԹԱՂԱՄԱՍՈՒՄ ՀԱՅՏՆԱԲԵՐՎԵԼ Է ԼՈՐԻՍՄԵԼԻՔՈՎՆԵՐԻ ՀԱԶՎԱԳՅՈՒՏ ՏԱՊԱՆԱՔԱՐԸ

Թբիլիսիի՝ Հավլարարի Էլիա թաղամասի առանձնատներից մեկում հայտնաբերվել է հայտնի Լորիս-Մելիքովների գերդաստանից եզոր Լորիս-Մելիքովի տապանաքարը: Զուրաբ Քիբիշվիլին է իր տան բակում գտել տապանաքարը, որն արդեն տեղափոխվել է Հավլարարի Սուրբ Էջմիածին եկեղեցու բակ:

- Տապանաքարը հայտնաբերած անձինք արդեն 20 տարի ապրում են այդ տանը, եւ տան վերանորոգման ժամանակ հայտաբերել են այն,- ասաց «Միասին» հասարակական կազմակերպության ղեկավար Լեւոն Չիդիյանը: Նրա խոսքով՝ Գեւորգ Լորիս-Մելիքովը մահացել է 1860 թվականին, հետեւաբար տապանաքարն ունի շուրջ 160 տարվա պատմություն: - Տապանաքարը շատ լավ է պահպանվել, ոչ

մի վնասվածք չունի, թեւեւ հողի մեջ է եղել,- նշեց Լեւոն Չիդիյանը:

Հիշեցնենք, որ Լորիս-Մելիքովների գերդաստանն ամենահայտնի ու ազդեցիկներից էր Ռուսական կայսրության ժամանակ: Գերդաստանի ներկայացուցիչներից էին նաեւ բարձրաստիճան զինվորականներ Միքայել եւ Գեւորգ Լորիս-Մելիքովները:



ՄԱՅՐԱՔԱՐԱՔ

«ՄԵՏՐՈՍԱՆԻ» ՔԱՐՏԵՐԸ ՄՆՈՒՄ ԵՆ ՈՒԺԻ ՄԵԶ

Թբիլիսիի քաղաքապետարանի տարածած տեղեկատվության համաձայն՝ մայրաքաղաքում հասարակական տրանսպորտով երթևեկության համար վճարելու «մետրոման» քարտերը մնում են ուժի մեջ:

Այս ճամփորդական քարտերը դեռեւս մնում են հասարակական տրանսպորտից օգտվելու վճարման ունիվեր-

սալ միջոց: Բացի այդ, քարտի վրա առկա մնացորդ պահպանվում է, եւ ուղեւորը կարող է առանց խնդիրների օգտ-

վել այդ գումարից:


Նախկինում «մետրոման» քարտով հնարավոր էր վճարել մետրոյով, ավտոբուսով եւ ճոպանուղով երթևեկության համար, այժմ այն հասանելի է դառնում նաեւ կապույտ միկրոավտոբուսով երթևեկի համար:

ՀԻՇԱՍԱԿ

ՌՈՍԱՆ ՄԱԹԻԱՇՎԻԼԻ

Անդառնալի կրթուստ կրեց Թբիլիսիի Պ.Ադամյանի անվան պետական հայկական դրամատիկական թատրոնը: 72 տարեկան հասակում, ծանր հիվանդությունից հետո, կյանքին հրաժեշտ տվեց թատրոնին իր ստեղծագործական կյանքի գրեթե ողջ ներուժը նվիրած անվանի ռեժիսոր եւ դերասան Ռոման Մաթիաշվիլին:

Ռոման Մաթիաշվիլին ծնվել է 1950-ին Վրաստանի Ղվարելի քաղաքում: Ավարտել է Թբիլիսիի թիվ 95 հայկական դպրոցը: 1970-74-ականներին սովորել է Երեւանի գեղարվեստաթատերական ինստիտուտում: Բեմական գործունեությունը սկսել է 1969-ին՝ Թբիլիսիի Ստեփան Շահումյանի անվան պետհայրամայում: 1977-ին հրավիրվել է Երեւանի երիտասարդական էքսպերիմենտալ թատրոն՝ որպես դերասան-բեմադրիչ, իսկ 1979-ին աշխատանքի է անցել Կապանի դրամատիկական թատրոնում: 1983-ին վերադարձել է Շահումյանի անվան թատրոն՝ որպես դերասան-բեմադրիչ: 1995-ին կրկին Հայաստան է տեղափոխվել, այս անգամ՝ Էջմիածնի դրամատիկական թատրոնում:



գործելով որպես գլխավոր ռեժիսոր: 1998-ին վերադառնալով Թբիլիսի՝ Պ.Ադամյանի անվան պետական հայկական դրամատիկական թատրոնում շարունակել է դերասանի եւ ռեժիսորի իր աշխատանքը՝ ստեղծագործելով այստեղ մինչեւ կյանքի վերջ: Թբիլիսիի հայկական թատրոնում բեմադրել է Ա.Դու-

դարելի «Շեն», Գ.Մոդեբաձեի «Ծիծաղի աշխարհում», Գ.Սարգսյանի «Հավերժական սիրո գաղտնիքը», «Գլադիատոր», Աղասի Այվազյանի «Դիպլիպիտո», Գ.Խանջյանի «Ավերակների պահակները», «Սերը ծփների տակ» եւ այլ ներկայացումներ: Մարմնավորել է Լիմոն, Կուկարաչա, Բաջանա, Օթելլո, Պեյրո, Բուսլայ, Թափառական, Բագրատ եւ այլ դերեր:

Ռոման Մաթիաշվիլու այրին՝ Թբիլիսիի պետհայրամայի առաջատար դերասանուհի, Հայաստանի վաստակավոր դերասանուհի Մելանյա Բարսեղյանն է, նրանց ավագ որդին՝ Գուրամ Մաթիաշվիլին, բնակվում է Հայաստանում:


Թբիլիսիի Պետրոս Ադամյանի անվան պետական հայկական դրամատիկական թատրոն

Ռոման Մաթիաշվիլին հուղարկավորեցին հունվարի 24-ին, Հայաստանի Էջմիածնի շրջանի Բաղրամյան գյուղում, որդու չիրմի կողքին:

Վրաստանի մշակույթի, սպորտի եւ երիտասարդության հարցերով նախարարությունը, Թբիլիսիի Պ.Ադամյանի անվան պետական հայկական դրամատիկական թատրոնը, «Վրաստան» թերթի խմբագրությունը ցավակցում են թատրոնի առաջատար դերասանուհի Մելանյա Բարսեղյանին, սիրելի ամուսնու՝

Ռոման Գոգիի ՄԱԹԻԱՇՎԻԼԻ

մահվան կապակցությամբ եւ վշտակցում հանգուցյալի բարեկամներին ու մերձավորներին:



1		2	3	4		5	6	7		8
				9						
10								11		
			12			13		14		
15	16					17		18	19	
				20			21			
	22						23			
				24						
	25						26			
27				28	29		30			31
32								33		
			34	35			36	37		
38		39							40	
					41					
42								43		

1. Թիակավոր մեծ բեռնանավ: 6. Էգ ձի, մատակ: 9. «Թմբկաբերդի առումը» պոեմի հերոս: 10. Առանց կրունկների ոտնաման: 11. Թեոդոլիտի բաղկացուցիչ մաս: 12. Մահմեդական կրոնի սպասավոր: 13. Բեմարվեստի տեսակ: 15. Լատինամերիկյան պարահանդեսային պար: 18. Գրքի ծավալի չափման միավոր: 20. Հայ մեծ երգահան: 22. Ռազմամավերի մեծ խմբավորում: 23. Տահիբի ծածկը պահող տղամարդու արձան: 24. Երկրորդ կարգի հարթ կոր: 25. Շաքարով եւ որեւէ պտուղով պատրաստված քաղցրեղեն: 26. Անտառային թռչուն: 28. Մեծածավալ երաժշտական երկի խոսքային բնագիրը: 32. Վրացի ռեպեր: 33. Ֆրանսիացի փիլիսոփա: 34. Իտալական ոսկե դրամ: 36. Ծավալի միավոր չափերի անգլիական համակարգում: 38. Ֆրանսիացի գրող: 40. Կենդանակերպի համաստեղություն: 41. Դ՛Արտանյանի ծառայի անունը Ա. Դյունանյի «Երեք հրացանակիրները» վեպում: 42. Թանկարժեք մորթով գիշատիչ, փոքր գազան: 43. Ժելեանման, մածուցիկ, թանձր զանգված:

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1. Գերասիմ: 4. Սպարտակ: 10. Ար: 11. Ռոպե: 12. Նարե: 14. Տեր: 15. Գրասեր: 16. Գորի: 17. Անրի: 18. Կարոտ: 19. Կախ: 21. Նոր: 23. Ատ: 24. Դո: 26. Մշակ: 27. Տարոն: 28. Օտար: 29. Չաղ: 32. Իվե-տա: 35. Սերիկ: 37. Սոմբե: 39. Կորեա: 40. Փոս: 42. Դրիմ: 43. Յուտա: 44. Նանուկ: 46. Սոս: 47. Ոսկու: 49. Ռա: 50. Նավ: 53. Եփեսոս: 54. ՄԱԿ: 55. Կրեստ:

ՈՒՂԱՆԱԶՄԱՆ. 1. Գարեգին: 2. Ավետիս: 3. Իսահակյան: 5. Պարարտ: 6. Արեսի: 7. Տատրակ: 8. Կարծախ: 9. Անգարա: 13. Արմոտ: 20. Առնետ: 22. Ոստրե: 24. Դավիթ: 25. Որ: 26. Մրրիկ: 30. Ամարաս: 31. Դո: 33. Վերիկ: 34. Արշալույս: 35. Սիփան: 36. Կորյուն: 38. Նեղոս: 41. Սոնա: 45. Առկա: 48. Սոսե: 51. Այր: 52. Ափ: 53. Ես:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԾԾԸՄՈՆՈ 0105, ՃԱՄԸՅԵՄՈՆ ՄՅՅԱ 5.

Մեր հասցեն՝ Թբիլիսի 0105 Գ.Աթոնելի փ. 5

ԾՅԸ՝. Հեռ. 2990-739, 2990-774

www.vrastan.ge E-mail: vrastan.press@gmail.com

Գրանցման վկայական № 4 Կ - 1439

«ԿՈՆՈՐ» հրատարակչություն

«ՑՈՅԵԾՅԵՈ»

ՄԾԾԸՄՈՆ, ՆԱՅՅԵՄՈՅԸ

“ВРАСТАН”

Тбилиси, Грузия

<VRASTAN>

Georgia, Tbilisi

Индекс 66445